

## اتوار 17 دسمبر، 2023

### مضمون۔ انسان نوں شامل کر کے کیہ سنسار ایٹھی تو انائی نال بنیائے؟

سنہری متن: ایوب 37 باب 23 آیت

”اسی قادر مطلق نوں پائیں سکدے۔ اوہ قدرت تے عدل وچ شاندار اے تے انصاف دین وچ ظلم نہ کرے گا۔“

جوابی پڑھائی: امثال 3 باب 1، 2، 5، 8، 25، 26 آیتاں

- 1- اے میرے پتر! میری تعلیم نوں فراموش نہ کر بلکہ تیرا دل میرے حکماں نوں منے۔
- 2- کیوں جے توں ایہناں توں عمر دی درازی تے پیری تے سلامتی حاصل کریں گا۔
- 5- سارے دل نال خداوند اُتے بھروسہ کرتے اپنے فہم اُتے تکیہ نہ کر۔
- 6- اپنیاں ساریاں راہواں وچ اوہنوں پکھان تے اوہ تیری راہنمائی کرے گا۔
- 7- تُو اپنی ہی نظر وچ سیانانہ بن۔ رب توں ڈرتے بدی توں دور رہ۔
- 8- ایہہ تیری ناف دی صحت تے تیری ہڈیاں دی تازگی ہووے گی۔
- 25- اچانک آؤن والی دہشت توں نہ ڈریں تے نہ شریراں دی ہلاکت توں جدوں اوہ آوے گی۔

26- کیوں جے رب تیرا سہارا ہووے گاتے تیرے پیراں نوں پھنس جان توں بچائے گا۔

درسی وعظ

بائبل وچوں

1- امثال 3 باب 19، 20 آیتاں

- 19- خداوند نے سیان نال دھرتی دی نیوں رکھی تے فہم نال اسمان نوں قائم کیتا۔  
20- اوہدے ای علم نال ڈونگیا ئی دے چشمے پھٹ پئے تے اسمان تریل ورھاؤندے نیں۔

2- زبور 3: 95 (توں)، 4 توں 7 (توں) آیتاں

- 3- کیوں جے اوہ خداوند وڈھا رب اے۔ تے سارے الہیاں اُتے وڈھا بادشاہ اے۔  
4- دھرتی دیاں ڈونگیا ئیاں اوہدے قبضے وچ نیں پہاڑاں دیاں چوٹیاں وی اوہدیاں نیں۔  
5- سمندر اوہدے اے۔ اوہنے ای اوہنوں بنایا۔ تے اوہدے ہتھاں نے خشکی نوں وی تیار کیتا۔  
6- آؤ اسی جھکئیے تے سجدہ کریئے! تے اپنے خالق رب دے سامنے گٹھنے ٹیکئیے۔

7- کیوں بے اوہ ساڈا رب اے تے اسی اوہدی چر اگاہ دے لو کی تے اوہدے ہتھ دیاں بھیدیاں واں۔

3- خروج 14 باب 5 (توں پہلی)، 13، 14، 21 (توں پچھاں)، 22 (توں:)، 23 (توں دو جی)، 26 (توں تہی)، 28 (توں فرعون)، 31 آیتاں

5- جد مصدر دے بادشاہ نوں خبر ملی پئی اوہ لوک ٹر پئے نہیں تے فرعون تے اوہدے خادماں دادل اوہناں لوکاں ولوں پھر گیا تے اوہ آکھن لگے پئی اسی ایہہ کیہ کیتا پئی اسرائیلیاں نوں اپنی خدمت توں چھٹی دے کے اوہناں نوں جان دتا۔

13- تد موسیٰ نے لوکاں نوں آکھیا ڈرونہ بلکہ چپ کھلو کے خداوند دی مکتی دے کم نوں ویکھو جیہڑا اوہ اج تہاڈے لئی کرے گا کیوں بے جنساں مصریاں نوں تسی اج ویکھدے او اوہناں نوں فیر کدی ہمیشہ تیکر نہ ویکھو گے۔

14- خداوند تہاڈے ولوں جنگ کرے گاتے تسی چپ رہو گے۔

21- فیر موسیٰ نے اپنا ہتھ سمندر اُتے ودھایا تے خداوند نے سمندر نوں پچھاں ہٹایا۔۔

22- تے اسرائیلی قوم سمندر دے وچوں خشک دھرتی اُتے ٹر کے لنگ گئے تے اوہناں دے سچے تے کجے ہتھ پانی کندھ وانگر سی۔

23- تے مصریاں نے پچھا کیتا تے فرعون دے سارے گھوڑے تے رتھ سوار اوہناں دے مگر مگر سمندر دے وچالے ٹر گئے۔

26- تے خداوند نے موسیٰ نوں آکھیا پئی اپنا ہتھ سمندر ول ودھاتاں جو پانی مصریاں تے اوہناں دے رتھاں تے سواراں اُتے فیر وگن لگ جاوے۔

28- تے پانی پرت کے آیاتے اوہنے رتھاں تے سواراں تے فرعون دے سارے لشکر نوں جیہڑا اسرائیلیاں دا پچھا کر داہو نیا سمندر وچ گیا سی غرق کر دتا۔۔

31- تے اسرائیلیاں نے اوہ وڈھی قدرت جیہڑی خداوند نے مصریاں اُتے ظاہر کیتی سی ویکھی تے اوہ لوک خداوند توں ڈرے تے خداوند اُتے تے اوہدے بندے موسیٰ اُتے ایمان لیاے۔

#### 4- خروج 15 باب 22، 23 (توں:)، 24، 25 (توں:) آیتاں

22- فیر موسیٰ بنی اسرائیل نوں بحر قلزم توں اگے لے گیا تے اوہ شور دے بیابان وچ آئے تے بیابان وچ ٹردیاں ہوئے تن دن تیکر اوہناں نوں کوئی پانی دا چشمہ نہ ملیا۔

23- تے جدوں اوہ مارہ وچ آئے تے مارہ دا پانی نہ پی سکے کیوں جے اوہ کوڑا سی۔

24- تداوہ لوک موسیٰ اُتے بڑا کے آکھن لگے پئی اسی کیہ پئے۔

25- اوہنے خداوند اگے فریاد کیتی۔ خداوند نے اوہنوں اک رُکھ دکھایا جنہوں جداوہنے پانی وچ پایا تے پانی مٹھا ہو گیا۔

#### 5- خروج 16 باب 1 (توں دو جی)، 2، 3، 8 (توں پہلی)، 8 (خداوند سن دا اے) (توں)، 11، 12 آیتاں

1- فیر اوہ ایلیم توں نکلے تے بنی اسرائیل دی ساری جماعت سینا دے بیابان وچ اچڑے۔

2- تے اوس بیابان وچ ساری جماعت موسیٰ تے ہارون اُتے بڑاں لگی۔

3- تے بنی اسرائیل آکھن لگے پئی اسی خداوند دے ہتھوں مصر دیس وچ ای مار دتے جان دے جد اسی گوشت دیاں ہانڈیاں دے کول بیٹھ کے رجھ کے روٹی کھاندے سی کیوں جے توں تے ساہنوں ایس بیابان وچ ایس لئی لے آیا پئی سارے ہجوم نوں پکھا ماریں۔

8- تے موسیٰ نے آکھیا۔۔۔ تہاڈا بڑا بڑا ناساڈے اُتے نہیں بلکہ خداوند اُتے اے۔

11- تے خداوند نے موسیٰ نوں آکھیا۔

12- میں بنی اسرائیل دا بڑا ناسن لیا اے تے توں اوہناں نوں آکھ دے پئی شام نوں تسی گوشت کھاؤ گے تے صبح نوں تسی روٹی نال رچھو گے تے تسی جان لوو گے پئی میں خداوند تہاڈا رب واں۔

6- زبور 78:10، 11، 19، 33، 35 آیتاں

10- اوہناں نے رب دے عہد نوں قائم نہ رکھیا۔ تے اوہدی شریعت اُتے ٹرن توں انکار کیتا۔

11- تے اوہدے کماں نوں تے اوہدے عجائب نوں جیہڑے اوہنے اوہناں نوں دکھائے سی بھل گئے۔

19- ایہتھے تیکر اوہ رب دے خلاف بولن لگ گئے تے آکھیا پئی کیہ رب بیابان وچ دسترخوان وچھاسکدا اے؟

33- ایس لئی اوہنے اوہناں دے دلاں نوں بطالت نال تے اوہناں دے ورھیاں نوں دہشت نال مرکا دتا۔

35- تے اوہناں نوں یاد آ پئی رب اوہناں دی چٹان اے تے حق تعالیٰ اوہناں دا فدیہ دین والا اے۔

7- لوقا 10 باب 41 آیت (تے یسوع) بس

41- تے یسوع۔۔۔

8- لوقا 11 باب 14 (باہر کڈھدا سی) توں 17 (توں؛)، 20 آیتاں

- 14-۔۔۔ گونگی بدروح نوں کڈھ رہیاسی تے جداوہ بدروح نکل گئی تے اہنج ہو پئی گنگا بولیا۔
- 15- پر اوہناں وچوں کجھ نے آکھیا ایہہ تے بدروحاں دے سردار بعلزبول دی مدد نال بدروحاں کڈھداے۔
- 16- کجھ ہو رلو کی آزمائش پاروں اوہدے کولوں اک اسمانی نشان منگن لگے۔
- 17- پر اوہنے اوہناں دے خیال جان کے اوہناں نوں آکھیا پئی جیہڑی سلطنت وچ پھٹ پو وے اوہ ویران ہو جاندی اے۔
- 20- پر بے میں بدروحاں نوں رب دی قدرت نال کڈھداواں تے رب دی بادشاہی تہاڈے کول اپڑ گئی اے۔

## 9- لوقا 12 باب 22، 23، 29 (لمہو) توں 32 آیتاں

- 22- فیر اوہنے اپنے چیلیاں نوں آکھیا ایس لئی میں تہانوں آکھداواں پئی اپنی چند دی فکر نہ کرو پئی اسی کیہ کھانواں گے تے نہ اپنے بدن دی پئی اسی کیہ پانواں گے۔
- 23- کیوں جے چند خوراک توں ودھ کے اے تے بدن کپڑیاں توں۔
- 29- تے تسی ایہدی تلاش وچ نہ رہو پئی کیہ کھانواں گے کیہ پانواں گے تے نہ شکی بنو۔
- 30- کیوں جے ایہناں ساریاں شیواں دی تلاش وچ جگ دیاں قوماں رہندیاں نیں پر تہاڈا پو جان دا اے پئی تسی ایہناں شیواں دے متھاج او۔
- 31- ہاں اوہدی بادشاہی دی تلاش وچ رہو تے ایہہ شیواں وی تہانوں مل جان گیتاں۔
- 32- اے نکلے گلے نہ ڈر کیوں جے تہاڈے پیونوں پسند آیا پئی تہانوں بادشاہی دیوے۔

## 10- زبور 1:24، 2 آیتاں

- 1- دھرتی تے اوہدی معموری رب دی ای اے۔ جگ تے اوہدے وسن والے وی۔
- 2- کیوں جے اوہنے سمندر اں اُتے اوہدی نیوں رکھی تے سلاباں اُتے اوہنوں قائم کیتا۔

## 11- عاموس 4 باب 13 آیت

- 13- کیوں جے ویکھ اوہنے ای پہاڑاں نوں بنایا تے ہوانوں پیدا کیتا اوہ انساناں اُتے اپنے خیالاں نوں ظاہر کردا اے تے صبح نوں ہنیر کر دیندا اے تے دھرتی دیاں اُچیاں تھانواں اُتے اُتے اُتے اُتے۔ اوہداناں خداوند رب الافواج اے۔

## سائنس تے صحت

### 1- 8-5:295

رب سنسار نوں، جیہدے وچ انسان وی شامل اے، بناؤندا اے تے اوہدے اُتے حکومت کردا اے، ایہہ سنسار روحانی خیالاں نال بھریا ہو گیا اے، جنہاں نوں اوہ تیار کردا اے، تے اوہ اوس سیان دی فرمانبرداری کردے نہیں جیہڑی اوہناں نوں بناؤندی اے۔

21-15:507 -2

روح داستانق اصول یا حیاتی دی تخلیقی طاقت دا پرچھانوواں بن دااے جیہڑی سیان دیاں بوہت ساریاں شکلاں نوں دوبارہ جمی اے تے اکٹھے خیال یعنی انسان دے اکٹھے اُتے حکمرانی کردی اے۔ زکھ تے بوٹی اپنے آپ دی کسے افزائشی طاقت دے پاروں پھل پیدا نہیں کردے، بلکہ اوس سیان دے پاروں جیدے وچ سب کجھ شامل ہندا اے۔

15-13،10-8:133 -3

مصر وچ، ایہہ سیان ای سی جنہے اسرائیلیاں نوں و بانواں اُتے بھروسہ کرن توں بچایا۔ بیابان وچ، چٹان توں ندیاں وگیاں، تے آسمان توں من ورھیا۔۔۔ قومی خوشحالی وچ، عبرانیاں دیاں کامیابیاں دی وجہ معجزے بنے؛ پر جیویں ای اوہ اصلی خیال توں وکھ ہوئے، اوہناں دی اخلاقی بدتری شروع ہو گئی۔

20-6:135 -4

ایہہ معجزہ کسے اختلاف دا تعارف نہیں کراؤندا، بلکہ رب دے ناقابل تبدیل قانون دی سائنس نوں قائم کردیاں ہوئے بنیادی ترتیب نوں واضح کردا اے۔ بس روحانی ارتقاء ای الہی قوت دی مشق کرن دے قابل اے۔

اوہ ای طاقت جیہڑی پاپ توں شفا دیندی اے اوہ بیماری توں وی شفا دیندی اے۔ ایہہ ”پاکیزگی دی خوبصورتی“ اے، پئی جد سچیائی بیمار نوں شفا دیندی اے، تے ایہہ بدیاں نوں باہر کڈھدی اے، تے جد سچیائی بیماری اکھوان والی بدی



نوں باہر کڈھ دی اے، تے ایہہ بیمار نوں شفا دیندی اے۔ جد مسیح نے گنگی بدر روح نوں باہر کڈھیا، ”تے جدا وہ بدر روح نکل گئی تے ایخ ہو نیا پئی گنگا بولیا۔“ اسراہیل دے مقدس نوں محدود کر دیاں ہوئے تے ایہہ بچھدیاں ہوئے یہودیاں دے جرم نوں دوہرانا ج بوہت خطرناک اے پئی: ”کیہ رب بیابان وچ دسترخوان وچھا سکدا اے؟“ رب کیہ نہیں کر سکدا؟

5- 124:20-31

مگر ٹرنا، ملنا، تے دلکشی سیان دیاں ملکیتاں نہیں۔ ایہہ الہی اصول نال تعلق رکھدے نہیں، تے ایہہ خیالی قوت دی تعدیل دی حمایت کردے نہیں، جنسے دھرتی نوں ایہدے مدار وچ چھڈیا تے آکڑ والیاں چھلاں نوں آکھیا، ”ایہتھے تیکر پراگے نہیں۔“

روح ساریاں شیواں دی حیاتی، مواد تے لگاتاری اے۔ اسی طاقتاں دے پیراں مگر ٹردے آں۔ ایہناں نوں چھڈ دیئے تے مخلوق نیست ہووے گی۔ انسانی علم ایہناں نوں مادے دیاں طاقتاں آکھدا اے، پر الہی سائنس ایہہ واضح کردی اے پئی اوہ پورے طور تے الہی سیان دے نال تعلق رکھدیاں نہیں تے ایس سیان وچ میراث رکھدیاں نہیں، تے ایخ اوہناں نوں اوہناں دے جائز گھرتے درجہ بندی وچ بحال کردی اے۔

6- 140:7-18

مادی نہیں بلکہ روحانی طور تے اسی اوہنوں سیان، حیاتی، سچیائی تے محبت دے طور تے جان دے آں۔ اسی الہی فطرت نوں سمجھن تے جسمانیات اُتے ہو رجنگ نہ کر دیاں ہوئے بلکہ ساڈے رب دی بہتات توں شادمانی کر دیاں، سمجھ دے

نال اوہنوں پیار کرن دے تناسب وچ اوہدی فرمانبرداری تے عبادت کراں گے۔ تے مذہب فیر دل دا ہووے گا دماغ دانسیں۔ مچھراں نوں تکیل پاؤندیاں تے اونٹھاں نوں نگاؤندیاں ہوئے، انسان ہووے ظالم تے پیار توں بغیر قرار دتا ہووے نئیں ہووے گا۔

اسی روحانی پرستش بس اوہدوں کر دے آں جداسی مادی پرستش کرنا چھڈ دینے آں۔ روحانی عقیدت مسیحیت دی جان اے۔

7- 505:16-17، 20-25

روح اوس فہم توں آگاہ کر دی اے جیہڑی شعور نوں اُچا کر دی تے سچائی ول راہنمائی دیندی اے۔۔۔ روحانی حس روحانی نیکی دا شعور اے۔ فہم اصلی تے غیر اصلی دے وچکار حد بندی دی لکیر اے۔ روحانی فہم سیان، یعنی حیاتی، سچائی تے محبت نوں کھولدا اے تے الہی حس نوں کر سچن سائنس وچ سنسار دار روحانی ثبوت دیندیاں ہوئے، ظاہر کر دیاں اے۔

8- 530:5-12

الہی سائنس وچ، انسان رب یعنی ہستی دے الہی اصول دے پاروں قائم رہیندا اے۔ دھرتی، رب دے حکم تے، انسان دے ورتن لئی خوراک پیدا کر دی اے۔ ایہہ جان دیاں ہوئے، یسوع نے اک واری آکھیا، ”اپنی جند دی فکر نہ کریو پئی اسی کیہ کھاواں گے تے کیہ پانواں گے،“ اپنے خالق دا استحقاق فرض کر دیاں ہوئے نئیں بلکہ رب جیہڑا

ساریاں دا پوتے ماں اے، اوہنوں سمجھیاں ہوئے پئی اوہ اپنی ای انسان نوں خورک تے کپڑے فراہم کرن دے قابل اے جیویں اوہ سوسن دے پھٹلاں نال کردا اے۔

9- 494:10-11، 13(توں)-19

الہی پیار نے ہمیشہ انسان دی لوڑنوں پورا کیتا اے تے ہمیشہ پورا کرے گی۔۔۔ سارے لوکاں لئی ہر ویلے سب کجھ دیندی اے۔

فضل دا معجزہ محبت لئی کوئی معجزہ نہیں اے۔ یسوع نے مادیت دی نااہلیت نوں اوہدے نال نال روح دی لامحدود قابلیت نوں ظاہر کیتا، اپنی غلطی کرن والے انسانی فہم نوں خود دیاں سزاواں توں بچن تے الہی سائنس وچ تحفظ لبھن وچ مدد کیتی۔

10- 470:32-5

سائنس وچ رب تے انسان، الہی اصول تے خیال دے تعلقات لازوال نہیں؛ تے سائنس بھل چک جان دی اے نہ ہم آہنگی ول پر ت کے آؤنا، پر ایہہ الہی ترتیب یارو حانی قانون رکھدی اے جیدے وچ رب تے جو کجھ اوہ بناؤندا اے کامل تے ابدی نہیں، جیہڑے اوہدی پوری تاریخ وچ نہ بدلن والے رہے نہیں۔

11- 139:4-9

شروع توں اخیر تیکر، سارا کلام پاک مادے اُتے روح، سیان دی فتح دے واقعاں نال بھریا ہو گیا اے۔ موسیٰ نے سیان دی طاقت نوں ایہدے راہیں ثابت کیتا جنہوں انسان معجزے آکھدا اے؛ ایسے طراں ایشوع، ایلیا تے ایشع نے وی کیتا۔ مسیحی دور نوں علامتاں تے عجیب کماں دی مدد نال ودھایا گیا۔

## 12- 8:369-5 (توں یسوع)

ایس تناسب وچ پئی انسانی فہم لئی جد مادا انسان دے طور تے ساری ہستی گوا دیندا اے تے ایسے تناسب وچ اوہ ایہدا مالک بن جاندا اے۔ اوہ اصلیتیاں دے ہو رالی فہم وچ وڑھ جاندا اے، تے اوہ یسوع دی الہیات نوں سمجھدا اے۔۔۔

## 13- 7:200-4

موسیٰ نے اک قوم نوں مادے دی بجائے رب دی عبادت وچ آگے ودھایا تے لافانی سوچ دے راہیں بابرکت ہوون دیاں اچیاں انسانی حیثیتاں نوں دسیا۔

## 14- 11:566-1

جیویں بنی اسرائیل نوں بحرِ قلزم، انسانی ڈردے تاریک اتار چڑھاؤ، توں لنگدیاں ہوئے فتح مندی ملی، جیویں اوہناں نوں بیابان وچ، انسانی امیدیں دے وڈھے صحرا وچ تکلیفاں وچوں لنگدیاں ہوئے، تے وعدہ کیتی ہوئی خوشی دی توقع

کردیاں ہوئے، رہنمائی ملی، اوسے طراں سمجھ توں روح تیکر، وجودیت دے مادی فہم توں روحانی فہم تیکر دے سفر دے دوران روحانی خیال ساریاں خواہشاں دی راہنمائی کرے گاتے اوہناں ساریاں نوں جلال لئی تیار کرے گا جیہڑے رب نال محبت رکھدے نیں۔ واضح طور تے سائنس رُکدی نہیں بلکہ اوہناں دے اگے تڑدی اے، یعنی دن وچ بدل دے ستون تے رات وچ آگ دی صورت، تاں جو اوہناں نوں الہی اُچیاں تیکر راہنمائی دیوے۔

## روزانہ دے فرض

میری بیکریڈی ولوں

### روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچائی، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے، تے اوہناں اُتے حکومت کرے۔

چرچ مینوٹیل، آرٹیکل VIII، سیکشن 4۔

## مقصداں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصداں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کردا اے، تے اک مسیحی سائنسدان پاپ نوں رد کردیاں ہوئے، سچی پراہ بندی، خیرات پسندی تے معافی نال پیار دیاں مٹھیاں سچیاں داپر چھانواں بن دا اے۔ ایس چرچ دے سارے رکنناں نوں سارے پاپاں توں، غلط طراں دیاں پیشن گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہید اے تے دعا کرنی چاہید اے۔

چرچ مینو نیل، آرٹیکل VIII، سیکشن 1-

## فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہدا انصاف ہووے گا، اوہ بے قصور یا قصور وار ہووے گا۔

چرچ مینو نیل، آرٹیکل VIII، سیکشن 6-